



**Eminentissimi Ac Reverendissimi Domini, D. Joannis  
Baptistæ, Cardinalis De Luca, Theatrum Veritatis Et  
Justitiae, Sive Decisivi Discursus**

Ad Veritatem Editi In Forensibus Controversiis, Canonicis & Civilibus, in  
quibus in Urbe Advocatus, pro una partium scripsit, vel Consultus  
respondit ; Cum Indicibus Argumentorum, Causarum ac Rerum  
luculentissimis. Opus Tam Judicibus, Quam Causarum Patronis, atque  
omnibus in utroque Foro ...

Pars I. De judiciis & judicialibus. Hoc est de Sententia & re judicata,  
Executione, Attentatis, Judice, Notario, Advocatis, Procuratoribus,  
Expensis, & aliis ad materiam judiciorum. Pars II. Relatio Romanæ Curiæ  
forensis, ejusque Tribunalium, & Congregationum

**Luca, Giovanni Battista de  
Coloniae Agrippinae, 1691**

XVIII. De Sacra Congregatione Rituum.

---

[urn:nbn:de:hbz:466:1-74090](#)

<sup>12</sup> lumentorum aliqua solutione, pro expeditionibus, aliisque actis, quæ gratis omnino conceduntur, ac sunt; Quam etiam, circa modum procedendi in forma extrajudiciali, ut de aliis Congregationibus Concilii, & Episcoporum supra dictum est, scribendo scilicet per epistolas familiares Ordinariis locorum, vel Nuntiis Apostolicis, aliisque ecclesiasticis Prælatis, ad quos pertinet, tam circa informationes super recursibus, quam circa exequutionem suorum decretorum, ac resolutionum.

Privativam cognitionem hujusmodi controversiali habet, ad quoscumque alios competentes Judices, appellationum, vel recursuum;  
<sup>14</sup> Ideoque per ejus decreta, Pontificio oraculo comprobata, inhibitum est Metropolitanis, ac Nuntiis, aliisque Judicibus appellationis, vel recursuum ab Ordinariis locorum, ne inhibitiones concedant, vel impedimenta præstent; Talisque videtur praxis inconcusa in specie immunitatis localis, insinuatur etiam dicto disc. 2. Miscellan. Ecclesiast. & tit. de judic. disc. 3. & alibi.

Secus autem in aliis duabus speciebus immunitatis personalis vel realis, quoniam munus Congregationis propriæ, ac principaliter versatur, in protectione, ac defensione ecclesiasticæ jurisdictionis, & immunitatis, & ne de facto illa usurpetur, vel respectivè violetur à Magistris, vel Communis tibus fœcularibus, aut à gabellarum, aliorumque laicalium onerum Appalatibus, & exætoribus, ita assentientiam, ac auctoritatem præstantio Ordinariis locorum, qui præsertim pro Italæ moribus, in exiguis, ac pauperibus Ecclesiæ, potentiali oppressioni (œcularium de facilis subjacent; Secus autem ubi cessante hac oppressione de facto, prætendatur per tramites juris, quod illa cœla, vel persona respectivè sit fœcularis, non autem ecclesiastica, ideoque ad forum fœcularem pertineat, juxta eorumdem fœcatorum Canonum dispositionem; Sive quod illa immunitas realis de jure competere non debet; Vel quatenus in substantia competit, ista non controvertatur, sed sola quæstio sit super modo, vel super quantitate, aliisque accidentibus, quoniam ista cognitio non prohibetur, immò fieri debet coram ordinariis Judicibus competentibus, cum immunitatis ecclesiasticæ substantiam, vel genus non percusat; Ideoque debent eis hujusmodi causa remittunt, ut in forma judicaria per tramites juris decidantur, eo modo, quo aliae causæ privatæ contentiose peraguntur; Potissimum vero, quando oporteat facere probationes per testes, qui servatis servandis examinandi sint, stante insinuato stylo, tam istius, quam aliarum Congregationum, gerendi potius partes Principis, vel supremi Magistratus, in forma extrajudiciali, quam illas Judicis, in forma contentiosa. De his causis remissis ad suis Iudices tit. de regal. disc. 5 o. cum plur. seqq. agitur etiam in dicto Miscellan. Ecclesiast. disc. 2. & seqq.

Et de aliis ad istam Congregationem pertinentibus videri poterit in enunciato Ecclesiastico. <sup>16</sup> Miscellan. ac etiam in materia jurisdictionali, & in illa regalium, occasione agendi de gabellis & vectigalibus, præsertim pro immunitate reali. &c. in locis supra relatibus.

## DISC. XVIII.

## De Sacra Congregatione Rituum.

S V M M A R I V M

- D**E i<sup>s</sup>tius Congregationis erectione, ejusque dupli specie.  
2 De personis, ex quibus ea constituitur.  
3 Quæ negotia in ea peragantur, distinguuntur inter contentiosa & non contentiosa.  
4 Quoniam sint contentiosa.  
5 De receptione alicuius Sancti in Protectorem.  
6 Ee questionibus contentiosis, que super ista protectione cadere solent.  
7 De questionibus contentiosis præminentiarum inter Ecclesiasticos.  
8 De aliis questionibus similibus cum fœcularibus.  
9 De styllo procedendi in forma extrajudiciali, omnia que facienda gratis.  
10 Quod quandoque formatur processus, & adhibet quandam formam judicalem.  
11 In his materiis præminentiarum desertur consuetudini, & quando.  
12 An ceremonialle impedit consuetudinem.  
13 Quod soleant etiam istæ causa committi in Rota, vel de eius voto.  
14 De alia specie Congregationis super Canonizatione Sanctorum, & quinam interveniant.  
15 Adhibentur etiam Medicis, & alii Professores, & quare.  
16 De Congregationibus, quæ habentur coram Papa, ac etiam de Confessoris, in hac materia.  
17 De aliis quæ hanc materiam concernant remissive, & quare non omnes Advocati hec negotia pertractent.  
18 De styllo propinarum, aliorumque emolummentorum in hac materia.  
19 De præcedentia inter Santos.

**D**Uplex videtur ista Congregatio, à Sixto V. cum aliis pluribus per eamem Constitutionem quoque erecta; Conf. 74. Sixti V. Una scilicet ordinaria, pro Ritibus Ecclesiasticis, aut pro decidentis controversiis præminentiarum, aliarumque præminentiarum; Et altera extraordinaria, super canonizatione Sanctorum, seu beatificatione, & cultu aliquorum servorum Dei, dum diversus est personarum interventus, seu participatio, in una, quam in altera, in ordine ad Prælatos, aliarumque personas, extra illas Cardinalium, qui parviter in ultra que interveniunt eo ipso, quod ex oraculo Papæ, huic Congregationi Rituum in genere adscribuntur; Quare de eis distinetè, ut decet, a gendo.

Quatenus pertinet ad primam speciem Congregationis ordinaria; Ea ex solis Cardinalibus constituta non est, quoniam ultra ipsorum copetentem numerum, qui (prout in omnibus aliis Congregationibus) non est determinatus, sed major vel minor, pro Papæ libito, interveniunt plures Prælati, quorum unus est Secretarius, ac etiam aliqui Religiosi Theologiae Professores & præ ceteris Magister S. Palatii, & Sacrista Papæ, qui ambo sunt regulares, unus Ordinis Prædicatorum, & alter Eremitarum S. Augustini; Ac etiam unus vel plures magistri ceremoniarum Papæ.

Card. de Luca. Relatio Curia Romane.

Gg 2

In ista

## 58 RELATIO ROM. CURIÆ FORENSIS

In ista Congregatione, duo negotiorum genera peraguntur; Unum scilicet contentiosorum inter Partes; Et alterum gratiosorum, seu pacificorum ex officio, vel ad supplicationem, in iis, quæ sacros ritus, & ceremonias, vel divinum cultum concernunt.

De hoc secundo genere sunt ea, quæ (ut supra,) respiciunt cultum divinum, ac ritus, & ceremonias ecclesiasticas, sine contradicatore vel tertui præjudicio; Puta super concessione facultatis celebrandi officium, vel missam, sub simplici, vel semiduplici, aut duplice ritu alicujus Sancti, vel Beati. Aut celebrandi octavam, alia ve similia faciendi, sive declarandi aliquod dubium ceremonialis, vel quibus diebus alicujus majoris solemnitatis, celebrari possit missa votiva alicujus Sancti in propria Ecclesia, vel ubi ad sit aliqua reliqua insignis, cum similibus; Nec non concedendi licentiam assumendi aliquem Sanctum in protectorem, cum facultatibus vel consequentiis, quæ exinde resultant, quando ista qualitas tutelaris canonizata sit ab hac Congregatione, & sine cuius licentia hodie id fieri non potest ex Apostolicis decretis.

Super hoc autem in specie, nostrâ ætate, in plerisque Italæ, ac Hispaniarum Civitatibus, iste punctus practicatus fuit in forma contentiosa, an scilicet, potius unus, quam alter Sanctus recipi deberet in protectorem; Sive an recipi posset ille, cui permisum sit, præstari cultum tanquam Beato, sed adhuc non esse solemniter canonizatus; Et quanvis in plerisque aliis Civitatibus, & locis praxis hujusmodi questiones docuerit in forma contentiola, præfertim vero in Civitate Pamphilonensi; Atamen frequentius, quam alibi id sequitur in Civitate Neapolitana, ubi, ob nimiam illius populi devotionem & ob religiosorum magnas æmulationes spirituales, hujusmodi questiones frequenter audiri conふuerunt, tam circa inclusionem unius, in exclusionem alterius, inter Ordines, vel Religiones, ex quibus illi servi Dei fuerint, quam etiam circa multiplicatatem, adeo ut Ordinarius, de cuius consensu hujusmodi protectiones, & non alias concedi solent, excusari soleat, quod non adest amplius locus in insigni cappella Civitatis, in quo statuta reponi valeant. *de ista cappella sub tit. de praeminent. disc. 12. & tit. de Regular. disc. 20.*

Quinimodo, etiam quoad eos, qui jam recepti sint in Protectores, frequentes (& quidem scandalosæ) controversiae audiri consueverunt, inter religiosos diversarum Religionum, super præcedentia statuarum, vel imaginum; Sive inter illos ejusdem Religionis originariae, qua in plures filiales, vel reformationes divisa sit, super habitu statuar, vel imaginis illius Sancti, ut præfertim contigit de Sancto Antonio Patavino, an habere deberet capuccium pyramidatum quo utuntur Capuccini, vel rotundum, seu quadratum, quo utuntur Conventuales, vel Observantes; Sive ad quos in publicis processionibus pertineat, illam statuam associare, & præfertim inter calceatos, & discalceatos Carmelitas, circa statuam S. Therese, moderna praxis docuit, *de hoc sub tit. de Regular. disc. ibidem. cum similibus æmulationibus, seu levitatis; Ideoque etiam pro zelo majestatis ac existimationis Civitatis, & populi, & pro servitio cultus, ac devotionis, prudens, atque commendabile videretur confi-*

lium, ut forsitan per seculum in his omnibus silentium, ibi imponeretur.

Alterius generis contentiosi negotia sunt, 7 quæstiones præcedentiarum, aliarumque præminentiarum, in processionibus, aliisque publicis functionibus, inter seculares, & regulares; Vel respectivè inter utriusque Cleri diversa Capitula, vel monasteria, seu conventus; Aut inter ejusdem Capituli dignitates, vel Canonicos, aliisque clericos, & præfertim inter dignitates in Cathedrali, & Metropolitana, super jure facienti primarias, & pontificales functiones: cum similibus.

Aut etiam super jure funerandi vel celebrandi officium super cadavere in funere; Aut super jure prohibendi celebrationem ejusdem solemnitatis; Vel prohibendi jam celebrari solitam; Vel super jure prohibendi novas erectiones congregationum, & confraternitarum, Nec non super modo assistendi Episcopo, vel alteri Prelato, eique occurrenti, vel associandi respectivè Aut super usu pontificalium, quem habent nonnulli Prelati inferiores, præfertim regulares, & cum qua moderatione uti debeant, cum similibus controversiis inter ecclesiasticos. *de his sub tit. de praeminent. ferè per tot. & in Miscellan. eccles. ac etiam tit. de Regular. disc. 19.*

Vel ubi agatur de controversiis præminentibus inter ecclesiasticos & seculares, vel respectivè inter ipsosmet seculares super præminentias & honorificis tractatibus, qui Principibus, vel Baronibus, aut Gubernatoribus, aliisque publicis Magistratibus, aut Patronis, vel aliis qualificatis viris secularibus debeantur, vel respectivè congruant, throni scilicet elati feubaldacchini, vel sedis, aut scaenæ tit. de praem. disc. 26. & 27. & tit. de jure patron. disc. 52. & alibi. Et in summa de omnibus quæ concernunt ea, quæ Ecclesiarum cultum & ecclesiasticum ritum percutiunt.

In omnibus tamen utriusque generis negotiis, idem adhibetur stylus, qui in aliis Congregationibus, est insinuatus, procedendus scilicet per viam summaria ac extrajudicialis cognitionis, præviis eisdem extrajudicialibus informatiōibus, ab Ordinario loci, vel a superiori regulari respectivè; Omnesque expeditiones, & provisōes concedendis gratis omnino.

Bene verum, quod ista Congregatio, magis quam aliæ, aliquam Tribunalis contentiosi imaginem habere videtur, formando scilicet processus, cum examine testium in Curia, per Notarium, quo uti solet in causis, vel actis beatificationis, & canonizationis Sanctorum; Ac etiam concedendo remissoriam in partibus; Et super qua, ad instar ejus, quod quotidiana Rota praxis docet, formales disputationes haberi solent, per tramites juris, & cum eisdem regulis, de quibus sub tit. de judici. in materia remissoriarum, & in altera compulsořia seu extractionis scripturarum titul. de judic. 28. & 31. Id autem ex ea ratione provenit, quod cum in hac materia præminentiarum, consuetudini nimis um defertendum sit, præfertim vero ubi ea sit immemorabilis, qua accedente, in jure admittitur, ut minus dignus præcedat magis dignum, maioresque habeat præminentias; Pro casibus tamen particularibus, non autem pro regula universalis, cum tunc corruptela potius talis consuetudo dici mereatur; Hinc proinde hujusmo- di

di assertae consuetudinis probationes, etiam in ipsa sacra Congregatione facere oporteat. eod. tit. de præminent. à dico. 18. ad 22. & in Miscellan. Ecclasiast.

Prout etiam super hujusmodi consuetudinibus disputari solent quæstiones juris, quando scilicet adversentur ceremonia Romano, ratione claustralium contentarum in Constitutione Clementis VIII. ejusdem cærimonialis confirmatoria, quarum claustralium virtus, & operatio est, inficere quamcunque contrariam possessionem, vel observantiam, unde de consequenti tollitur vel impeditur consuetudo, inter cuius requisita illud possessionis est præcipuum, ac substantiale; Adhuc tamen hujusmodi claustralium obstatulum, evitari solet; Vel ratione non compræhensionis; Vel quia consuetudo sit potius interpretativa casus dubii; Aut quod jam introducta esset de tempore æditionis cærimonialis. eod. tit. de præminent. & Miscellan. Ecclasiast. plures.

Dantur tamen frequentes casus, quod in hujusmodi causis contentiosis, in quibus formales probationes facere oporteat, Pontifex demandet, ut cognoscantur de voto Rotæ in forma iudicaria; Sive quod eas avocet à Congregatione, atque committat in Rota, decendas prout de jure; Id autem certam non habet regulam vel præximam, cum sit materia arbitriar. pro facti qualitate, & circumstantiis regulari solita; Et quandoque Papa hoc arbitrium regulare solet cum voto Praelatorum Signatura Gratia ad quam una Partium, quæ de judicio Congregationis conqueratur, recurrere solet, ut etiam quandoque praxis docet, in negotiis aliarum Congregationum Episcoporum, & Regularium, vel Concilii, sive Immunitatis. plures dico it. de præminent. & dico Miscellan. Ecclasiast. & alibi.

Quo verò ad aliam speciem Congregationis, quæ tractat solum negotia canonizationis, vel beatificationis servorum Dei: Illa constituitur, ex eisdem Cardinalibus, & Secretario, aliisque Praelatis, & Officialibus vel Theologis de quibus supra; Verum aliorum quoque Praelatorum, & Religiosorum, ac Officialium superadditio nem recipit, Promotoris scilicet Fidei, cuius officium, non ex necessitate, sed ex frequentiori usu, annexum esse solet officio Advocati fiscalis; Nec non interveniunt tres antiquiores, Rotæ Auditores, tanquam supponendi periti Canonistæ, qui partes Affectionum ita gerere videntur; Ac etiam unus ex Prothonotariis participantibus, cui illa causa injuncta, seu distributa sit, siquidem isti Prothonotarii, circa initia primitiva ecclesia, sub Clemente I. deputati fuerunt pro hoc munere scribendi acta Martyrum; Ac etiam adhibentur alii Theologi, qui Consultores, vel respectivè Qualificatores dicuntur, ut res tantæ importantiæ, tam super compilati one processuum, quam super discussione probationum, & aliis, quæ contingunt, cum nimia majoritate, atq; cum consilio quamplurium peritissimorum virorum, in omnibus licentis, & facultatibus, examinentur.

Hinc proinde adhiberi quoque solent, pro consilio, probatissimi, ac periti medici, & philosophi, aliqui professores, ad effectum discutiendi, an illæ operationes, quæ miraculis referuntur, dici mereantur supernaturales, vel

Card. de Luca. Relatio Curia Romane.

provanire possint à potentia naturali, quamvis difficulti, & rata.

Postquam vero probationes, respectu sicutificationis, vel respectivæ canonizationis, bene, ac mature discussæ sunt, adeo ut negotium in pluribus Congregationibus bene præparatum sit, tunc super eo, magis solemnis Congregatio habetur coram ipso Papa, qui auditio voto Congregationis, decretum interponit super beatificatione, vel super concessione cultus, ac similibus functionibus, præter canonizationem, sive adscriptionem cathalogi Sanctorum, utope obligatoriam de fide: Ideoque postquam negotium examinatum est, etiam in ista magis solemnni congregatione coram Papa, examinatur etiam in pleno Consistorio secreto, deindeque aliud habetur Consistorium magis solemnne & publicum, in quo interveniunt omnes Archiepiscopi, & Episcopi, qui in Curia præsentes reperiantur, qui omnes votum proferunt, per quamdam imaginem Concilii.

Quales vero sint formulæ, quæ in hujusmodi processibus adhibentur, & quid præcedere debet, priuquam hujusmodi probationes admittantur, meum non est peragere, cum ex quodam antiquo Curiae stylo, ita exigente quoque naturæ qualitate hujusmodi negotiorum, quæ viros minus occupatos, eique penè in totum additos, exigere videtur; classifici, & occupati Advocati non de facilis in eis se ingenerare soleant; Ideoque dedecet, ut non benè versatus, in his se ingrat, potissimum quia liberculi particulares super decretis Apostolicis, vel Sacrae Congregationis, aliique formulæ habentur, ubi facile est vide re.

In ista vero negotiorum specie, quidam habetur antiquus stylus singularis, qui in aliis Congregationibus non viget, quod scilicet Cardinalibus Congregationis, aliique Officialiis, ac operariis tratione magni laboris, qui desuper adhibendus est, in studio, ac revolutione valde voluminosorum processuum, super probationibus, solvuntur propinæ, seu portulæ, aliaque emolumenta; Ideoque apud probos, ac zelantes viros, problematica est quæstio, an iste usus, quamvis antiquus, atque de stricta juris censura licitus, aboleri debeat, nec nè? Multisque placet opinio affirmativa, ad tollendas occasiones obloquionum vulgi ignari, vel maligni, ac æmolorum Romanæ Curiae, dum ex dicto Apostoli, Sapientibus & insipientibus debitores sumus; De hoc autem meum non est agere, ideoque totum reservatur iudicio eorum, ad quos pertinet.

In nuperrima vero quinque Sanctorum Canonizatione, per Clementem decimum facta, etiam inter ipsos Santos, pro nostra capacitate, vel consolatione, præcedentia quæstio in ista Congregatione disputata fuit, de qua in Ecclesiastico Miscellano agitur.

Discur. 40.

\* \* \*

\* \*